

2020
CLASS-IX
SÜMI (SÜTSAH)

Total marks : 80

Time : 3 hours

General instructions:

- i) The question paper consists of 22 questions.
- ii) Internal choice has been provided in some questions.
- iii) Marks allocated to every question are indicated against it.

N.B: Check that all pages of the question paper is complete as indicated on the top left side.

KOKÜPPHA – A (Ghili Kiye)

1. Yepua keu phiju no injü akeqo khochile tsülo:

Tiqheli 13-u ghuloki loye Nagami ghili kiumu pitsü keu küha, ikemu AD 1228 mpe lono Thai lo akükau Chao sukhapa no Takai hechesü Assam leni ye wuche kelo Nagami yeghi lo Nagami qo ghi leve keu lono Nagami ipi chilu tughü shi puani, Chao Sukhapa no Assam yeghilo Ahom küka phu shiluve keu atughiu ke.

Kaku kiyemi kutomono Naga kiqu ajeli lono pitsü keu philu ani, Assam mi kiqu loye aphimini pepumo no aphi kümsa ato yeghilo küghüna akemi ipi cheni, Burmami tsau 'Naka' kiquye Akini vupu no asüpha kighiche kemi, Hino kuchou shi akiqi pitsü ani, kiughengu Nagami ye Mongolia, Manchuria eno China yeghi küdau no phuthe süsü ighi kemi kehu.

Nagamiye kishi phuthe süsü ighi keno hipaqo lono kishékulu phulu nani, Ayiko, asa, anhehi eno angi hipaqo ju aye khiküdauno ighi eno khuno sasü kimihi ani keno phulu ani, Ayeghi qhalo timi kughuko ajeli küthü ani, tiye Caucasin, Mongolian eno Negroid, Atu shikümdü (stone age) ghuloki lono Caucasin ngo Mongolian loji no Asia yeghi nhachhi iloghive pi picheni. Marshall no pikeu 'Eastern Asia timiqo ye Huan-ho ghoki ahuw ache puzü tile Tibetmiqo no kulolau wuve, Indo-China shiye ipi pilu ani. Apu-asü no picheghi keu no aleqo phe pekishesü ighi keu lono ithi akeu ye Nagami no küghüna tughiu ye South East Asia lo khilehi kela aghi nani, tilehino kulolau hasüsü Burma lo iloghi tishino Nagaland lo iloghi puani.

Nagami ye phuthe süsü itehi Manipur eno Nagaland yeghi lo ighi nikelo athiazü pano küthü Meithei, Hondang eno Thanga ishino sasü ighi pano küthü gholo timi kutomo sasü itehi Manipur yeghilo iloghi, eno akichiu Meithei laghano Manipur shiueve, amutau Hondung lagha no Tangkhul shiwove eno ayitiu Thanga lagha no Nagami shiwove ipi cheni. Meithei ngo Hondung pama athiazü sasü ixave no ayitiu Thanga no Nagaland lo ighi eno Nagami yeghilo atughüshi aphu kini lo küghüna puani, aphu lakhi jeno Mekhoroma eno lakhino Khuzabomi (Khezhakeno) eno tilehino tapu ghoki apeu küdau no küghüna süsü iko ighi eno ishi hi Nagaland ipi eno Nagami ipi kuchen.

- | | | |
|-----|--|-------|
| (a) | Kiu tiqheli kutolo Nagami ghili kiumu pitsümo no ighi kea? | 1 |
| (b) | Akükau khiuno kiu ghuloki lono Nagami ghili shuphe tughiu shi kea? | 1 |
| (c) | Ahom küka phu ye khiuno küka phu kea? | 1 |
| (d) | 'Naka' kiquye kiu eno khuno tsau kea? | 1 |
| (e) | Nagami ye khilano phuthe süsü ighi kea? | 1 |
| (f) | Hondung lagha ye itehi khuno shiye shi ani kea? | 1 |
| (g) | Thanga lagha ye itehi khuno shiyeh shi ani kea? | 1 |
| (h) | Nagami yeghilo küghüna tughiu aphu kini je yetsülo. | 1 |
| (i) | Sümi tsalo 'Akichiu' eno 'Ayitiu' ye atsathi kütäu kiu ani kea? | 1+1=2 |

KOKÜPPHA – B (Iqikulu)

2. **Atsathi 100-150 dolono yelo:**
- a. Noye Aboto/Alivi, yekili lakhi oküsau lau yeghi nokiphiki lo tupuki ghili kishékulu shi pikeu shi yelo.
- Momu** **6**
- b. **Ghili kiye tsasü aqhou tsüpua keuqo pesü atsa yekhove, eno yepua keu kimiji yetsülo:**
Kinimi lakhi – Aqemi kutomo ache – akiniw pisabo xüpüsü wuve – akiniw no zakhemi vilo pive – aqemi kümütsü ku – asü panangu aqhemi shi tsü – aqemi lakhi no pi “aküpukaü sü ye kijili lakhi dolono thuwuwe aghi nani” – aküpukau no asü sücheve – mülalei thanau ye küghaluve.
3. **Atsathi 50 dolono lakhi likhi yelo :**
- a. Atsala 11 Ahuna qhi lo kiphimi qono au lo kümla (handicrafts) qo jenani ke ghenguno kiyephi lo yekülha sü keu yelo.
- Momu** **4**
- b. Annual Sports Week ghenguno, school sports secretary launo sports phiamini luve penike kiphimi qo lau pithi tsü keu yelo.

KOKÜPPHA – C (Tsayeh)

4. **Achiptu tsathipe kümsalo süve tsülo:**
- (a) Ifo ngo imu _____ ye alulo huva. **1**
 (i) Paküma (ii) Pama
 (iii) Küma (iv) Panongu
- (b) _____ ye Delhi lo kaku phi ani. **1**
 (i) Apu (ii) Apuu
 (iii) Appu (iv) Aapu
- (c) Anga ye kiu shiye _____ ani kea? **1**
 (i) Kha (ii) Ka
 (iii) Qha (iv) Qa
- (d) Akükütsüu no kiphimiqo _____ cheni. **1**
 (i) Saphe (ii) Kütsü
 (iii) Shika (iv) Qhophe
- (e) Kaku phini ke _____ kevalo. **1**
 (i) Pichi (ii) Picchi
 (iii) Pechi (iv) Pichhi
5. **Atsajo hipau lo aje atughiu (subject) aje akiniu (object) hephokutsüu (predicate) kütüta shi michipheve tsülo:**
- (a) Ilimiqo no kaku yeh ani. **1**
 (b) Sütsah ye, yeh keu nguno phiphe keu no mülalei. **1**
6. **Atsajo hipaulo kikihi tsahibe ikhiphe tsülo:**
- (a) Niye alhokuthu akilo ngo anishi. **1**
 (b) Noye ghuthu khijehi hile ighi ani kea? **1**
7. **Hi yepuakeu lo timi atüghiu, akiniu eno aküthu-u michipheve tsülo.**
- (a) Noye akupo lo ighono alo ani, eno ninguye oshou pukhube ani. **1**
 (b) Ni ye okümsü ani kepi pa vilo pitsülo. **1**

8. **Pighi vehu tsathi michipheve tsülo:**
- (a) Asüqho hipau ye paw. **1**
- (b) Yesüta hipaqa ye iw. **1**
9. **Ngomichi achipilo süvelo:**
- (a) oishe paye kiu toi imeve kelai **1**
- (b) No ye khile no ighi kea. **1**
10. **Sumi tsalo pekide süvelo :**
- (a) There are four weeks in a month. **1**
- (b) Do you study everyday? **1**
- (c) The vehicle arrived late. **1**
- (d) Love never gives up. **1**
- (e) I did it! **1**
- KOKÜPPHA – D (Kichitssathoh eno Apuh Assü Leshe)**
11. **Achiptu tsathi pe kimeve tsülo:**
- (a) Ladmon ye Aesop _____ ithulu no pa kimiye qhiyi sasü xü ache. **1**
- (i) zukinni (ii) mqükini
- (iii) lhokusa (iv) kipichi
- (b) “Oh, amighiu, ino olhe pu hughu anike, ighino chuluvelo”. Hiye khiu no pi kea? **1**
- (i) Khumtsah (ii) Tüghünakha
- (iii) Pitheli (iv) Itepu
- (c) Nagami küka tsala ye _____ lono shuphelu. **1**
- (i) 15 Saghiqi 1947 (ii) 26 Luuqi 1950
- (iii) 5 Mozaqi 1962 (iv) 14 Saghiqi 1947
- (d) Ino isünano _____ kihi pesü. **1**
- (i) kuphu (ii) züta
- (iii) angu (iv) akuwo
- (e) Aki lakhi lo _____. **1**
- (i) kipeghi (ii) kipishi
- (iii) kupunu (iv) kipemi
- Atsathi 20 – 25 dolono khochilelo:**
12. Alhukho kilive kethiu asho ileve aye kishive cheni kea? **2**
13. Nono ithi keu ye Baibel kiqi lo khuu paghi no chighi saje lakhi pesü Alhou mlla kea? Baibel kiu lo ani keno yeh tsülo. **1+1=2**
14. “Ei ta amu kishu pitheli ye kipitimi punu nicheni keo totimi punu nicheni keapilae?” khuuno pi eno kiu punu kea? **2**
15. Küghato ngo A.Z.Phizo pama ye zakhemino ala khe aghi kelo kishino alaghi katha süsü wulu kea? **2**
16. Khuuno nga no qa akeu tsa pi ani kea? Eno kiushiye qa ani pi kümsü kea? **1+1=2**
17. *Lojiliu ikujono ala kütaye,*
Kiminemouno mishi kikhe lono

*Kiminelu oju iloluye,
Ochiyi kinino ophe kupu aye.
Leshe hipau hepho tsülo.*

2

Atsathi 40 – 50 dolono khochilelo :

18. a. *Adam nuli kughuko lo Alhou no kisheluve keu timi lakhi paje Abraham ipeghi.
Tipa ghulokilo Melkhizedek ye Salem ghakhu lo akükau eno aküghüshu Lhou
achineu ghi shi acheke. Abraham no aghülo wuno tolu keulo chighi lo lakhi pe
pa tsü.*

- (i) Melkhizedek ye khuu kea? 1
- (ii) Abraham ye kiu, khuu tsü kea? 2
- (iii) Abraham ye khuno lagha lono ighi kea? 1

Momu

b. *Küghato ye Indiami General khuu sasü kusholu eno kishi küputsa kea?* (4)

19. *Akiu aghümiye wo pihughi ye
Kucho iphi kidi pesü
Aghapeli veche po woghi ye
Kucho axeuno thi ani ye pilo.*

- (i) Khuno akiu aghümi ipi keu chilu kea? 1
- (ii) “Iphi kidi pesü” ipi keu kiqui hepho tsülo. 1
- (iii) Aghümi qo ye khuno shi-aye kea? 1
- (iv) Hiye Khuno leshe lo ani kea? 1

Atsathi 60 - 90 dolono khochilelo :

20. a. *Aesop no khughuthi kini chuva pi ngüku kelo kiu kishive keno yelo.*

Momu 5

b. *Tüluni pine dolo mucholani (friday) tsala ni ye kiu shicheni keno yelo.*

21. a. *Ishe ile anga qa küauye amlo küsami nuli qa ani gho kucho apu-aza anu
küghüvumi nu qa ani ila agho shilulo ilomucho chi süwo amlo küsami nu pinilo.
Leshe hipau hepho tsülo.*

5

Momu

b. *‘O mishi küthü saqi azü,
Kichelimi saqho chenyewo,
Aghüno ngu ino isalo juwo,
Inatha limiye
Ishe ni Khuzalimi ghauye.*

- (i) Kiushiye “mishi küthü saqi azü” ipi ani kea? (1)
- (ii) Khuno saqho cheni kea? (1)
- (iii) “Inatha limiye” kiu kiqui piani kea? (1)
- (iv) Jupuwo khuu ju ani kea? (1)
- (v) Ale hiye khiu no phe ani kea? (1)

22. *Küsakusho alokughuno kumo,
Küsakusho mulokinimi ye,
Niye no kho puwumo aye,
Ala chighi pesü no xaluni ighi,
Tughamino kipishi ye shimlayewo.*

- (i) Khuno küsakusho sholuve no ani kea? 1
- (ii) Ale hiye khiu no phe ani kea? 1
- (iii) “Ala chighi pesü xaluni ighi” ipi akeu kiqui yetsülo. 1
- (iv) “Kipishi” kiqui ye kiu kea? 1
- (v) Leshe hipau lo khuuno mulo ani kea? 1
